

Br. 447/17  
Sarajevo, 26.10.2017

**KANTONALNA PRIVREDNA KOMORA TUZLA**  
Trg slobode bb  
75000 Tuzla

**PREDMET: Poziv na obuku iz oblasti javno-privatnog partnerstva u Tuzli 14.11.2017.**

U sklopu implementacije projekta „Javno privatno partnerstvo“, predviđeno je održavanje obuka za predstavnike privatnog sektora na temu „Javno privatno partnerstvo“. S tim u vezi, obraćamo Vam se ovim putem kako biste po svojim propisanim pravilima i procedurama uputili poziv Vašim članovima koji žele proći obuku iz oblasti javno privatnog partnerstva. Za pohađanje navedene obuke poželjno bi bilo da se prijave predstavnici privatnog sektora koji su, na neki način, već uključeni u aktivnosti iz pomenute oblasti, ali i svi oni koji smatraju da će kroz navedenu obuku steći nova znanja koja će im koristiti u daljem obavljanju poslova i zadataka.

Jednodnevna obuka za predstavnike poslovne zajednice će se održati u Tuzli u hotelu "Mellain", 14.11.2017., a obuhvatit će slijedeće teme: Javno privatno partnerstvo u praksi, Proces provođenja projekta javno-privatnog partnerstva iz perspektive privatnog sektora, Priprema ponuda privatnog sektora u projektima javno-privatnog partnerstva, kao i Ugovaranje i monitoring.

Svi učesnici će dobiti trening materijale, koji između ostalog uključuju i tri namjenski priređene publikacije; Trening vodič za javno-privatno partnerstvo, Metodologija za JPP, te Metodologija za procjenu vrijednosti za novac u projektima javno-privatnog partnerstva - kao i sve ostale prateće materijale. (Više detalja o sadržaju knjiga, predavačima kao i JPP možete pronaći na našem Web sajtu: [www.jpp.ba](http://www.jpp.ba))

Svi troškovi obuke, uključujući radne materijale, ručak, kafe pauze i sl. biće pokriveni iz sredstava projekta predviđenih za te namjene.

Na osnovu navedenog, molimo Vas da uputite pozive Vašim članovima, te da nam dostavite njihova imena i kontakt podatke kako bismo uspješno realizirali planirane obuke.

Za sve dodatne informacije stojimo Vam na raspolaganju.

Kontakt osobe: Lejla Mehmedović, e-mail: [l.mehmedovic.jpp@gmail.com](mailto:l.mehmedovic.jpp@gmail.com) i Dženana Mešić, e-mail: [dz.mesic.jpp@gmail.com](mailto:dz.mesic.jpp@gmail.com), Tel: 033/554-731, Web: [www.jpp.ba](http://www.jpp.ba)

PRILOG:

- Program obuke i biografije predavača

DIREKTOR  
Altijana Softić  


## AGENDA ZA TRENING PREDSTAVNIKA POSLOVNE ZAJEDNICE

Modul	Vrijeme
Registracija	10:00 – 10:15
<b>1) Javno-privatno partnerstvo u praksi</b> <ul style="list-style-type: none"> <li>- Uvod u JPP</li> <li>- JPP projektni ciklus</li> <li>- Zakonodavni i institucionalni okvir za JPP</li> <li>- JPP u praksi</li> <li>- Primjeri uspješnih projekata JPP-a</li> </ul>	<b>10:15 – 11:00</b>
Kafe pauza	11:00 – 11:30
<b>2) Proces provođenja projekta javno-privatnog partnerstva iz perspektive privatnog sektora</b> <ul style="list-style-type: none"> <li>- Priprema JPP projekata i privatna inicijativa</li> <li>- Odobravanje JPP projekta</li> <li>- Studija izvodljivosti JPP projekta</li> <li>- Procedure odabir privatnog partnera</li> <li>- Problemi u fazi izvršenja ugovora JPP-a</li> </ul>	<b>11:30 – 12:15</b>
Ručak	12:15 – 13:30
<b>3) Priprema ponuda privatnog sektora u projektima javno-privatnog partnerstva</b> <ul style="list-style-type: none"> <li>- Finansijska analiza investicije</li> <li>- Procjena ukupnih životnih troškova projekta</li> <li>- Vrednovanje i alokacija rizika</li> <li>- Očekivana i realizirana vrijednosti za novac</li> </ul>	<b>13:30 – 14:15</b>
Kafe pauza	14:15 – 14:45
<b>4) Ugovaranje i monitoring</b> <ul style="list-style-type: none"> <li>- Sadržaj ugovora</li> <li>- Faze ugovaranja ugovora o JPP</li> <li>- Pregovaranje ugovora o JPP</li> <li>- Monitoring ugovora</li> <li>- Rješavanje sporova JPP</li> </ul>	<b>14:15 – 15:30</b>
Završni komentari i diskusija/pitanja	15:30 – 16:00

### Predavači:

- Dr. Veljko Trivun
- Dr. Azra Zaimović
- Dr. Vedad Silajdžić

## Kratke biografije predavača

### - Dr. Veljko Trivun

Po diplomiranju na Pravnom fakultetu u Sarajevu, prof. Trivun je radio devet godina u Energoinvestu na različitim pozicijama pravne prirode. Na Ekonomskom fakultetu u Sarajevu je angažovan na predmetima: Poslovno pravo, Međunarodno poslovno pravo, Pravo vrijednosnih papira i Pravo bankarstva i osiguranja od 1994. godine. Od 2008. godine predavao je i na Ekonomskom fakultetu Sveučilišta u Zagrebu u svojstvu gostujućeg profesora. U 2009. godini nagrađen je kao najreferentniji nastavnik povodom jubilarne 60. godišnjice Univerziteta u Sarajevu. Na Ekonomskom fakultetu je obavljao funkciju prodekana za materijalno-finansijska pitanja u periodu 2002–2004. godine. U toku 2005. godine obavljao je funkciju prorektora za finansije i investicije Univerziteta u Sarajevu. U mandatnom periodu 2008–2012. godine obavljao je funkciju dekana Ekonomskog fakulteta.

U svom dosadašnjem akademskom i univerzitetskom angažovanju, prof. Trivun je autor dvije monografije i koautor sedam univerzitetskih udžbenika od čega su dva objavljena na engleskom jeziku. Autor je više od 70 stručnih članaka. Učestvovao je na više od 80 projekata različite prirode. Učesnik je 3 međunarodne konferencije, 5 regionalnih konferencija i preko 30 domaćih i inostranih stručnih seminara i simpozija.

U njegovom mandatu na poziciji dekana je Ekonomski fakultet UNSA akreditovan od strane tri svjetski renomirane akreditacijske kuće: Bureau Veritas, Austrijska agencija za osiguranje kvaliteta (Austrian Agency for Quality Assurance – AQA) i EPAS program EFMD.

### - Dr. Azra Zaimović

Dr. Azra Zaimović je vanredni profesor u oblasti Finansija na Ekonomskom fakultetu u Sarajevu, gdje je zaposlena od 2001. godine. Profesor je na predmetima Finansijski menadžment, Investicije i Portfolio menadžment, te drugim srodnim predmetima na I, II i III ciklusu studija na svom matičnom fakultetu.

Diplomirala je 2000. na Ekonomskom fakultetu u Sarajevu, te 2002. na Filozofskom fakultetu u Sarajevu, Odsjek za germanistiku, zatim magistrirala 2006. i doktorirala 2010. godine na Ekonomskom fakultetu u Sarajevu.

Imenovana je od strane Komisije za računovodstvo i reviziju BiH za člana Radne grupe za edukaciju i sticanje zvanja u periodu 2009–2014. godina. Kao član Radne grupe radila je na razvoju zvanja u računovodstveno-revizijskoj profesiji u BiH. Sa Savezom računovođa, revizora i finansijskih djelatnika FBiH saraduje od 2006. godine na pripremi, organizaciji i evaluaciji stručnih ispita u računovodstveno-revizijskoj struci.

Objavila je 40-tak naučnih radova iz oblasti kojom se bavi, te učestvovala u radu 20 naučnih i stručnih konferencija u zemlji i inostranstvu. Angažovana je kao ekspert na izradi brojnih istraživačkih projekata, analiza i procjena. Autor/koautor je knjiga „Primijenjeni finansijski menadžment“ (2010) i „Modeli vrednovanja finansijske imovine“ (2015), te istraživačke monografije „Domaći javni dug Bosne i Hercegovine – analiza i preporuke“ (2007). Licencirani je broker, diler i investicijski savjetnik na tržištu kapitala FBiH pri Komisiji za vrijednosne papire FBiH, te certificirani računovođa pri Savezu računovođa, revizora i finansijskih djelatnika FBiH.

Dr. Zaimović je finansijski ekspert na projektu „Javno-privatno partnerstvo“. Radi na procjeni ekonomske isplativosti i finansijske održivosti projekata javno-privatnog partnerstva, te izradi komparatora troškova javnog sektora u pilot projektima. Autor je „Metodologije za procjenu vrijednosti za novac u projektima javno-privatnog partnerstva“ (2017).

### - Dr. Vedad Silajdžić

Dr. Vedad Silajdžić je vanredni profesor na Ekonomskom fakultetu u Sarajevu na katedri za Poslovno pravo, gdje obavlja i funkciju prodekana za studentska i normativna pitanja. Angažovan je na predmetima: Poslovno pravo, Međunarodno poslovno pravo, Pravo vrijednosnih papira i Pravo bankarstva i osiguranja. Uz navedeno, dr. Silajdžić je i sudija arbitar Arbitražnog suda BiH pri Vanjskotrgovinskoj komori BiH.

U periodu 2010–2012. godine obavljao je funkciju rukovodioca Katedre za Poslovno pravo na Ekonomskom fakultetu u Sarajevu, a od 2014. do 2016. godine obavljao je i funkciju rukovodioca Centra za Poslovno pravo Ekonomskog fakulteta Univerziteta u Sarajevu. U svom dosadašnjem akademskom i univerzitetskom angažovanju, dr. Silajdžić je koautor sedam univerzitetskih udžbenika, od kojih su dva objavljena na engleskom jeziku, i tematske monografije za BiH u okviru Međunarodne enciklopedije prava. Objavio je veliki broj naučnih i stručnih radova referiranih u međunarodnim bazama podataka. Učestvovao je kao pravni ekspert na više od 30 projekata različite pravne prirode. Profesionalno i lično je posvećen dostizanju najviših profesionalnih standarda pravne struke.